

Karlar í stað kvenna

Samtök um Kvennalistu héldu adalfund sinn um síðustu helgi. Mikill baráttuandi einkenndi fundinn. Enda veitir ekki af. Kvennalistinn galt hálfgerð afþroð í síðustu alþingiskosningum og fullyrð var að komin væru þreytumerki í þessi pólitísku samtök, sem á sinnum tíma voru stofnuð til að efla hlut kvenna í stjórnmálum og efla hlut kvenna í jafnréttismálum, launamálum og gildi hinnar hagsýn húsmóður. Ef marka má þær umkvartanir sem kvenréttindaskörungar bera fram hefur lítið þokast. Jafnrétti er brotið að vild, konum hefur ekki fjölgad í ríkisstjórn í réttu hlutfalli við þáttöku kvenna á þingi og launamálin eru aldrei verri eða lakari. Ekki er að sjá að hin hagsýna húsmóðir sé mikil betur sett í þjóðfélaginu en þegar kvennalistinn hóf göngu sina.

Því er ekki nema von að konur velti því fyrir sér hvort Kvennalistinn hafi ekki gert ógagn og raunar hjálpað körlunum til að viðhalda völdum sínum. Karlarnir hafa losnað við mestu kvenskóssin yfir í nöldurdeild Kvennalistans og þar

hafa þær einangrað sig í valdaleysinu. Eru margar innan Kvennalistans á þeiri skoðun að dagar Kvennalistans séu taldir og réttast sé að konur hverfi aftur inn í gömlu stjórnmálaflokkana og hætti öllu kjaftædi um jafnrétti.

Rökin á bak við þessa skoðun eru þau að karlarnir muni þá hafa konurnar góðar með því að gera sitt litid af hverju fyrir þær og ef auðmýktin og undirgefni verður körlunum að skapi er aldrei að vita nema konur öðlist fleiri seti í ríkisstjórnum og áhrifastöðum. Þetta sé alténd betri kostur heldur en að halda áfram með vonlaus frambóð á vegum Kvennlistans sem séu dæmd til að sitja úti í horni.

Ekki voru þó allar á því að gefast alveg strax upp. Önnur og miklu raunhæfari hugmynd var sett fram og felst í því að hleypa körlunum inn í raðir Kvennalistans. Hleypa körlunum inn.

Þessi aðferð mundi verða miklu áhrifaríkari og Kvennalistinn geti þannig stillt upp karlalista í næstu kosningum sem höfðaði sérstaklega til kvenna. Þær geta leitað á Internetinu að frambjóðendum



enda er nú farið að nota Internetið til að auglýsa upp frambærilega og heiðarlega karlmenn í hinum ýmsu stellingum, sem eflaust höfða miklu meira til kvenna heldur en kvenfólkid sem hingað til hefur verið í frambóði.

Með þessu móti sækja konur inn í raðir karla en ekki öfugt og þegar karlar eru komnir til sögunnar í kvennabaráttunni mun vegur Kvennalistans fara vaxandi. Þá getur Kvennalistinn fyrst farið að láta að sér kveða í pólitíkinni og skitt

veri þá með sérstöðu kvenna eða jafnréttisbaráttuna ef Kvennalistinn sem pólitiskt afl kemst til valda og áhrifa. Það væri sömuleiðis miklu auðveldara fyrir hina flokkana að sætta sig við ráðherra úr röðum Kvennalistans sem væru karlar og þannig kaemust konur til valda í krafti þeirra karla sem Kvennalistinn býður fram.

Kvennalistinn á framtíðina fyrir sér með því að opna samtökini fyrir körlum. Úr því karlar ráða og karlar komast einir að í pólitíkinni er einfaldast að tefla þeim fram. Ekki er að efa að hinir hefðbundnu stjórnmálaflokkar munu leitast við að fá konur í frambóð af sinni hálfu til að vega upp á móti vaxandi vinsældum Kvennalistans og þannig gæti skapast það ástand í stjórnmálinum að konur nái völdum í gömlu flokkunum meðan karlar ná völdum á vegum Kvennalistans! Vegur kvenna mun aukast og er það ekki akkúrat það sem konur stefna að?

Það er ástæðulaust að gefast upp strax, kæru kvennalistakonur. Karlarnir bíða eftir ykkur í röðum á Internetinu.

Dagfari